



Rewarding Learning

General Certificate of Secondary Education
2016

Stair

Aonad 2: An Cogadh Fuar 1945–1991
Ardsraith

GHT22

[GHT22]

DÉ MÁIRT 14 MEITHEAMH, IARNÓIN**AM**

1 uair 15 nóiméad.

TREOIR D'IARRTHÓIRÍ

Scríobh d'Uimhir Lárionaid agus d'Uimhir Iarrthóra ar an Leabhrán Freagraí atá ar fáil.
Freagair **dhá** cheist.

Freagair Roinn A **uilig** agus ceist **amháin** as Roinn B.

EOLAS D'IARRTHÓIRÍ

Is é 55 an marc iomlán don pháipéar seo.

Measúnófar caighdeán na cumarsáide scríofa i Roinn A Ceist **1(b)**, **(c)** agus **(d)** agus i Roinn B.

Measúnófar litriú, poncaíocht agus úsáid chruinn gramadaí i Roinn B.

Léiríonn figiúirí idir lúibíní atá priontáilte ar thaobh na láimhe deise de leathanaigh na marcanna atá ag dul do gach ceist nó do gach cuid de cheist.

Tá Leabhrán Áiseanna a bhaineann le Ceist 1 leis an pháipéar seo.

Má tá siad de dhíth, tá cead agat tuilleadh leathán a iarraidh le do fhreagraí a chríochnú. Ceangail na leatháin seo, le do thoil, den leabhrán leis an scorán comhaid chuige sin.

Le haghaidh Cheist 1 déan tagairt don ábhar foinse sa Leabhrán Áiseanna.

Roinn A

Freagair an roinn seo **uilig**.

1 Smacht cumannach ar Oirthear na hEorpa ó 1945 is ábhar don cheist seo.

(a) Déan staidéar ar Foinse A.

Cad é a insíonn **Foinse A** dúinn faoi na modhanna a d'úsáid SAM (*USA*) le tacaíocht don chumannachas in Oirthear na hEorpa a lagú ó 1945? [4]

(b) Déan staidéar ar Fhoinsí B agus C.

Cé chomh mór agus a thacaíonn **Foinse C** le **Foinse B** maidir leis an dóigh a thaispeáint ar athraigh dearcadh APSS (*USSR*) i leith thíortha Oirthear na hEorpa idir 1968 agus 1985? [6]

(c) Déan staidéar ar Foinse D.

Cé chomh **húsáideach** agus chomh **hiontaofa** agus atá **Foinse D** maidir leis na fáthanna a mhíniú le titim smacht cumannach ar Oirthear na hEorpa in 1989? [9]

(d) “Ba dhócha í titim an chumannachais in Oirthear na hEorpa de bharr pholasaithe Gorbachev”.

Foinsí A, B, C agus D agus **do chuid eolais féin** in úsáid agat, mínigh cé acu aontaíonn tú, nó nach n-aontaíonn tú, leis an léirmhíniú seo ar na fáthanna le titim an chumannachais in Oirthear na hEorpa sa bhliain 1989. [15]

Roinn B

Freagair ceist **amháin** acu seo a leanas ón roinn seo.

Sa **dá** cheist tá suas le **5 mharc breise** ar fáil as litriú, poncaíocht agus gramadach a úsáid go cruinn.

- 2 Cad é mar a fuair agus a choinnigh APSS (*USSR*) smacht ar Oirthear na hEorpa idir 1945 agus 1961? [16]
agus [LPaG 5]
- 3 Cad chuige a ndearna SAM (*USA*) iarracht an cumannachas san Áise a shrianadh idir 1949 agus 1965? [16]
agus [LPaG 5]

SEO DEIREADH AN SCRÚDPHÁIPÉIR

Cuireadh isteach ar chead chun an t-ábhar cóipchirt uile a atáirgeadh.
I gcásanna áirithe is féidir nár éirigh le CCEA teagmháil a dhéanamh le húinéirí cóipchirt agus beidh sé sásta na hadmhálacha sin a fágadh ar lár a chur ina gceart amach anseo ach é a chur ar an eolas.



Rewarding Learning

General Certificate of Secondary Education

2016

Stair

Aonad 2: An Cogadh Fuar 1945–1991

Bonnsraith agus Ardsraith

[GHT21] [GHT22]

DÉ MÁIRT 14 MEITHEAMH, IARNÓIN

LEABHRÁN
ÁISEANNA

Ábhair Foinse: Smacht cumannach ar Oirthear na hEorpa ó 1945

Foinse A: Léaráid ó théacsleabhar staire. Taispeánann sí roinnt modhanna a d'úsáid SAM (USA) le tacaíocht don chumannachas in Oirthear na hEorpa ó 1945 ar aghaidh a lagú.

1	<i>Cosaintí SAM (USA) a neartú. Costais a ardú chomh mór sin nach mbeidh APSS (USSR) inchurtha leo</i>	
2	<i>Teicneolaíocht ón iarthar agus ón tSeapáin ag dul isteach in APSS (USSR) a stopadh</i>	
3	<i>Úsáid níos mó de stáisiúin raidió SAM (USA), amhail Saor-Raidió na hEorpa</i>	
4	<i>Cuidiú airgeadais do thíortha cumannacha a chosnaíonn cearta daonna</i>	
5	<i>Cuidiú rúnda do ghluaiseachtaí leasaithe sa Pholainn, san Ungáir agus sa tSeicslóvaic</i>	

© The Cold War and After, 2nd Edition by J.F. Aylett and Neil Demarco. Published by Hodder Education. (ISBN: 9780340814796). "Reproduced by permission of Hodder Education".

Foinse B: Míníonn staraí Meiriceánach, ag scríobh in 1997, tuairimí Brezhnev ar thíortha Oirthear na hEorpa sa bhliain 1968

I ndiaidh do APSS (USSR) na leasuithe sa tSeicslóvaic a threascart i mí Lúnasa 1968, rinne Brezhnev óráid inar mhaígh sé go raibh caidreamh le tíortha Oirthear na hEorpa iontach tábhachtach do APSS (USSR). Dúirt sé fosta go raibh foréigean riachtanach le smacht a choinneáil ar an chríos mhaolánach. Tugadh Dúnghaois Brezhnev ar an óráid sin aige ina dhiaidh sin. Bhí sé soiléir san óráid gurbh í cosaint APSS (USSR) ról thíortha Oirthear na hEorpa. Bhagair Brezhnev dá ndéanfadh rialtas i dtír chumannach ar bith aon iarracht leasuithe caipitleachais a dhéanamh go gcuirfeadh tíortha cumannacha eile in Oirthear na hEorpa trúpaí isteach lena stopadh. B'fhuath le cuid mhór daoine in Oirthear na hEorpa an smacht seo.

© Superpower Rivalry: Relations between the United States and the Soviet Union, 1945-1991 by Laura Kwasniewska. Published by Colourpoint Books (1997). ISBN: 9781898392354

Foinse C: Cuireann staraí nua-aimseartha, ag scríobh in 2001, síos ar thuairimí Gorbachev agus APSS (*USSR*) ar thíortha Oirthear na hEorpa sa bhliain 1985

Nuair a tháinig Gorbachev i gcumhacht i mí Mhárta 1985, bhí a fhios aige gurbh éigean do APSS (*USSR*) bealaí úra a fháil le bheith ag plé le hOirthear na hEorpa. Ba mhaith le Gorbachev caidreamh a chothabháil leis na tíortha seo ach chinn sé, san am a bheadh le teacht, go gcaithfí le muintir Oirthear na hEorpa mar chomhpháirtithe de APSS (*USSR*). Thréig sé Dúnghaois Brezhnev 1968. Ní chuirfeadh APSS (*USSR*) tancanna nó trúpaí isteach ach oiread le rialtóirí nár thacaigh an pobal leo a chosaint nó le hagóidí a threascart. Chreid Gorbachev gur chóir do gach tír a cuid fadhbanna féin a réiteach, ach bhí dóchas aige go bhfanfadh siad cumannach.

© The Cold War and After by J.F. Aylett. Published by Hodder and Stoughton (1996). ISBN: 9780340658581

Foinse D: Tráchtann urlabhraí Rialtas SAM (*USA*), ag labhairt in 1985, ar pholasaí APSS (*USSR*) in Oirthear na hEorpa

Creideann muid gur dócha í titim an chumannachais in Oirthear na hEorpa. Bhí cur i gcoinne i gcónaí ann maidir le rialtais chumannacha Oirthear na hEorpa agus le smacht APSS (*USSR*). Tá Gorbachev díreach i ndiaidh a fhógairt nach mbainfidh sé úsáid as trúpaí APSS (*USSR*) le gluaiseachtaí leasaithe a stopadh i dtíortha Oirthear na hEorpa. An aithníonn sé cad é atá déanta aige? Níl ann ach imeacht aimsire sula ndéanfaidh muintir Oirthear na hEorpa na rialtais chumannacha acu a chur as cumhacht.

© International Relations 1914-1995 by Tony Rea and John Wright. Published by Oxford University Press (1997) ISBN: 9780199171675

Cuireadh isteach ar chead chun an t-ábhar cóipchirt uile a atáirgeadh.
I gcásanna áirithe is féidir nár éirigh le CCEA teagmháil a dhéanamh le húinéirí cóipchirt agus beidh sé sásta na hadmhálacha sin a fágadh ar lár a chur ina gceart amach anseo ach é a chur ar an eolas.